

24) *ANGELS FROM THE REALMS OF GLORY*

Eledh splann a nev devedhys,
nijewgh war an byz, pub tu;
hwi a'n Gwrians 'dhros nowedhys
lemmyn kenewgh doz Mab Duw;
Dewgh ha gordhya,
gordhya Krist yw genys dhyn.

Bugeledh yn pras godrigys
nos ow kolyas eyn ymons,
lemmyn Duw gans den yw trigys,
golow flogh a splann yn-hons;
Dewgh ha gordhya,
gordhya Krist yw genys dhyn.

Doethyon, gesewgh prederazow,
gwelyow splanna eus a-vann;
hwilewgh neb a vynn an gwlaow,
gwelsowgh hwi y sterenn gann.
Dewgh ha gordhya,
gordhya Krist yw genys dhyn.

Syns a-rag an alter 'sedhys,
goelyas 'wrons gans own ha trest;
yn y dempel omdhiskwedhys
ott an Arludh ow toz prest;
Dewgh ha gordhya,
gordhya Krist yw genys dhyn.

- English words by James Montgomery, 1816.
- Translated from English into Cornish by Ken George, 2020 Dec 24.
- Recommended tune: Iris.